

ՀԱՐԳԱՆՔԻ ՏՈՒՐՔ՝ Ի ՀԻՇԱՏԱԿ ՀԱՅՈՑ ՑԵՂԱՍՊԱՆՈՒԹՅԱՆ ԱՆՄԵՂ ԶՈՅԵՐԻ

Ապրիլի 24-ին հարյուրավոր քաղաքացիներ այցելել են Ստեփանակերտի հուշահամալիր՝ հարգանքի տուրք մատուցելու 1915 թ. Օսմանյան Թուրքիայի կողմից իրականացված Հայոց ցեղասպանության անմեղ զոհերի հիշատակին: Հարգանքի տուրք են մատուցել նաև Արցախի պետական համալսարանի ղեկավար Արմեն Սարգսյանը, բուհի պրոֆեսորադասախոսական կազմն ու ուսանողները:

Հայոց ցեղասպանության անմեղ զոհերի հիշատակը հավերժացնող զանգակատուն-հուշակոթողի մոտ տեղի է ունեցել նաև ոգեկոչման և հոգեհանգստյան արարողություն՝ ՀԱԵ Արցախի թեմի առաջնորդ Պարզև արքեպիսկոպոս Մարտիրոսյանի հանդիսապետությամբ:

ԱՐՊՅ ՈՒՍԱՆՈՂՆԵՐԸ ՀԱՐԳԱՆՔԻ ՏՈՒՐՔ ԵՆ ՄԱՏՈՒՑԵԼ ՄԱՐԱՂԱՅԻ ԶՈՅԵՐԻ ՀԻՇԱՏԱԿԻՆ



Ապրիլի 10-ին բանասիրական ֆակուլտետի ուսանողական խորհրդի նախաձեռնությամբ ԱրՊՅ մի խումբ ուսանողներ իրենց հարգանքի տուրքն են մատուցել Մարաղայի ցեղասպանության զոհերի հիշատակին:

1992թ. ապրիլի 10-ին ադրբեջանական զինված ուժերը ԼՂՀ Մարտակերտի շրջանի Մարաղա գյուղում իրականացրել են Մարաղայի կոտորածը, որին զոհ է դարձել մոտ հինգ տասնյակ հայ բնակիչ: ԱրՊՅ մի խումբ ուսանողներ այցելել են Նոր Մարաղա գյուղ և հարգանքի տուրք մատուցել անմեղ զոհերի հիշատակին:

Կին՝ ծաղիկներ խոնարհելով գյուղում զոհերի հիշատակը հավերժացնող հուշակոթողին: «Այդ արյունալի դեպքերից անցել են 27 երկար ու ծիգ տարիներ, բայց մինչ այսօր այն չի մոռացվել ու չի ստացել իր արժանի գնահատականը: Մենք պարտավոր ենք հիշել բոլորին՝ անուն առ անուն և, միասնական լինելով հանդերձ, լինել մեր՝ երկրի պահանջատերը», - ասել է բանասիրական ֆակուլտետի ՌԽ նախագահ Լիլիթ Մարգարյանը:

ՈՒՍԱՆՈՂԱԿԱՆ ԳԻՏԱԺՈՂՈՎ՝ ՆՎԻՐՎԱԾ ՀԱՅՈՑ ՑԵՂԱՍՊԱՆՈՒԹՅԱՆ 104-ՐԴ ՏԱՐԵԼԻՑԻՆ



րին, նշել է, որ նման գիտաժողովները ոչ միայն հարգանքի տուրք մատուցելու, պատմական հիշողությունը արթուն պահելու նպատակ ունեն, այլև պատմաբանների կողմից հարցը ուսումնասիրության նոր հարթակի վրա դնելու կարևորություն ունեն:

«Այսօր առաջադիմական երևույթ է, որ խոսում ենք ցեղասպանության դատապարտման, պահանջատիրության, ժխտողական քաղաքականության ծավալման մասին», - ասել է Նունե Սարունյանը՝ ընդգծելով, որ միջազգային ասպարեզում քննարկվող ամենակարևոր հարցը ցեղասպանության ճանաչումն է, նաև հորդորելով ուսանողներին հայ ժողովրդին ներկայացնել ոչ թե որպես խեղճ, հոգեցունց վիճակ ունեցող, այլ հանդես գալ որպես պահանջատեր և դատապարտող:

Գիտաժողովին մասնակից ուսանողներն իրենց ելույթներում ներկայացրել են Հայոց ցեղասպանության իրագործման դրդապատճառները, միջազգային արձագանքներն ու ճանաչման գործընթացը, ինքնապաշտպանական մարտերը, հայոց ցեղասպանությունը դատապարտող փաստաթղթերը:

Ապրիլի 23-ին ԱրՊՅ պատմության և իրավագիտության ֆակուլտետի պատմության ամբիոնի կողմից և ամբիոնի դասախոս, պ.գ.թ., դոցենտ Նունե Սարունյանի նախաձեռնությամբ կազմակերպվել է ուսանողական գիտաժողով՝ նվիրված Հայոց ցեղասպանության 104-րդ տարելիցին: Գիտաժողովին ներկա էին գիտության և միջազգային համագործակցության գծով պրոռեկտոր Վալերի Ավանեսյանը, ֆակուլտետի պրոֆեսորադասախոսական կազմի ներկայացուցիչներ և ուսանողներ:

Ֆակուլտետի ղեկան, պ.գ.թ. Արմինե Խաչատրյանը, ողջունելով գիտաժողովի ներկայանե-

	«ԱՐՑԱՆԻ ՀԱՄԱԼՍԱՐԱՆ» ամսաթերթ	Խմբագիր՝ Զարինե Սառաջյան	Տպաքանակ 400	Իմացիր քո համալսարանի մասին:
	Հիմնադիր «ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆ» ՊՈԱԿ	Մեր հասցեն Մ.Գոշի 5: Դեռ.՝ (047) 94 04 91	Տպագրվում է Արցախի պետական համալսարանի իրատարակչության տպարանում	Այցելիր asu.am կայք: www.asu.am

Հրատարակվում է 1994 թվականից

ԱՐՑԱՆԻ ՀԱՄԱԼՍԱՐԱՆ



ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՄՍԱԹԵՐԹ - ЕЖЕМЕСЯЧНАЯ ГАЗЕТА «АРПАХИ АМАЛСАРАН»

№ 03(217) ապրիլ, 2019

Կ Ա Յ Ա Ց Ե Լ Է Գ Ի Տ Խ Ո Ր Յ Ր Դ Ի Ն Ի Ս Տ

Ապրիլի 5-ին կայացել է ԱրՊՅ գիտ-խորհրդի հերթական նիստը, որը մեկնարկել է հաճելի արարողությամբ:

ԱրՊՅ և ՊԲ համագործակցության շրջանակում հոգեբանական կենտրոնի նախաձեռնությամբ անցկացված սպա-հոգեբանների հավաքները պատշաճ մակարդակով կազմակերպելու և իրականացնելու համար ԱՀ պաշտպանության նախարարի հրամանով խրախուսվել են ԱրՊՅ ՌԵՇՅՏԱ գծով պրոռեկտոր Վիտյա Յարամիշյանը, հոգեբանական կենտրոնի տնօրեն Անահիտ Գասպարյանը, մանկավարժության և հոգեբանության ամբիոնի վարիչ Էլլադա Բաղդասարյանը, Նույն ամբիոնի դասախոսներ Լուսինե Ղարախանյանը և Արմինե Ավանեսյանը:



Պարզևատրվածներից Վիտյա Յարամիշյանը, խոսելով համագործակցության մասին, նշել է. «Հոգեբանական կենտրոնը մեծ չէ, և մեծ չեն նրա հավակնությունները: Սակայն նախարարության այսպիսի վերաբերմունքը ցույց է տալիս, որ մենք փոքրիկ քայլերով ճիշտ ուղու վրա ենք: Իսկ եթե պաշտպանության նախարարությունը գտնում է, որ պետք է լինի շարունակություն, ապա պիտի փաստենք, որ համագործակցությունը կայացած է»: Բարձր գնահատելով այդ համագործակցությունն ու դրա արդյունքում իրականացվող աշխատանքների արդյունավետությունը՝ ՊԲ բարոյահոգեբանական ապահովման բաժնի պետ, զննապետ Նորայր Մկրտչյանը շնորհակալություն է հայտնել կատարված աշխատանքի համար՝ ընդգծելով դրանց շարունակականության անհրաժեշտությունը:

ԱրՊՅ նեկտոր Արմեն Սարգսյանը ևս, կարևորելով փոխգործակցության անհրաժեշտությունը, իր հեղինակած «Ղարաբաղի բարբառը» գիրքը նվիրել է ՊԲ-ին: Հաջորդիվ նեկտորի կողմից հորելյանա-

կան տարեդարձերի առթիվ և գիտամանկավարժական բազմամյա փորձի համար պատվոգրերով պարգևատրվել են նաև ԱրՊՅ դասախոսներ Ռուդիկ Առաքելյանը, Արարատ Վարդանյանը, Վոլոդյա Միրզոյանը, Շահեն Այդինյանը, Սիրուն Բաղդասարյանը:

Անցնելով գիտխորհրդի օրակարգային հարցերին՝ նեկտոր Արմեն Սարգսյանը ներկայացրել է առաջին հարցը, որը վերաբերում էր ԱրՊՅ ՊՈԱԿ զարգացման ռազմավարական ծրագրի ժամանակացույցը հաստատելուն:

«ԱրՊՅ զարգացման ռազմավարական ծրագիրը հաստատվել է գիտխորհրդի նախորդ նիստում, սակայն պահանջ է նաև ծրագրի կատարման քայլերի, ժամանակացույցի և պատասխանատուների հաստատումը», - նշել է նեկտորը՝ հավելելով, որ այն ԳԽ հավանությանն արժանանալուց հետո նախատեսվում է բազմացնել և գրքի տեսքով տրամադրել համալսարանի բոլոր ստորաբաժանումներին:

Գործող ուսումնական պլանները (բակալավորիատի ու մագիստրատուրայի առկա և հեռակա ուսուցման համակարգերի) նոր խմբագրությամբ հաստատելու մասին հարցը ներկայացրել է պրոռեկտոր Գեորգի Սահակյանը:

Գիտխորհրդին կից գործող հանձնաժողովների 2018-2019 ուսումնական տարվա 2-րդ կիսամյակի աշխատանքային պլանները ներկայացրել են հանձնաժողովների նախագահները: Գիտխորհուրդը հաստատել է վերոնշյալ հարցերը, երաշխավորել ԱրՊՅ ՊՈԱԿ «Հայագիտական ուսումնասիրություններ» գիտական հոլովածների ժողովածուն:



ԱՐՊՅ-ՈՒՄ ԴԱՍԱԽՈՍՈՒԹՅԱՄԲ ՀԱՆԴԵՍ Է ԵԿԵԼ ՊԱՏՄԱԲԱՆ, ՑԵՂԱՄՊԱՆԱԳԵՏ ՍՎԱՆՏԵ ԼՈՒՆԴՊՐԵՆԸ



Արցախի Հանրապետության ՄԻՊ նախածնունդային քաղաքացիության և քաղաքացիության հանդես է եկել Շվեդիայի Լուևնդի համալսարանի պրոֆեսոր, պատմաբան, ցեղասպանագետ Սվանտե Լուևնդրենը:

ԱրՊՅ ռեկտոր Արմեն Սարգսյանը, ողջունելով բանախոսին, շնորհակալություն է հայտնել նրան՝ Արցախ այցելելու համար և կարևորել հայ-ասորական հարաբերություններին ուղղված նրա ուսումնասիրություններն ու ցեղասպանագիտության բնագավառում ծավալած գործունեությունը: Դասախոսության ընթացքում Սվանտե Լուևնդրենը խոսել է ասորիների և հայերի ցեղասպանությունների, սփյուռքի հետ կապերի մասին, ցույց տվել ընդհանրություններն ու տարբերությունները:

Հայտնի ցեղասպանագետ Արցախում առաջին անգամ է և ճանաչողական նպատակից բացի, նաև

պատճառներն է հիմնավորել. «Ընկերներիցս շատերն են եղել Արցախում, պատմել ինձ Արցախի մասին: Արցախի պատմությունը, քաղաքականության մեջ ունեցած նրա դերը, հակամարտությունը այն պատճառներն են, որոնք ինձ բերել են այստեղ»:

Խոսելով Արցախի նորագույն շրջանի պատմությունից՝ նա դարաբաղյան հակամարտության կարգավորման շուրջ ընթացող բանակցություններում անհրաժեշտ է համարում հաշվի առնել ցեղասպանության հնարավոր սպառնալիքն ու Ադրբեջանի ռազմատենչ հռետորաբանությունը:

«Ես տեսնում եմ Արցախը ցեղասպանության հարազույցում: Բանակցությունների ժամանակ այս փաստը, ինչպես նաև Ադրբեջանի հռետորաբանությունը պետք է հաշվի առնել, որովհետև, եթե նրանց մնար, 90-ականների հակամարտությունը ցեղասպանությամբ կվերջանար», - նշել է նա:

Խոսելով հայոց ցեղասպանության մասին՝ նա նշել է, որ մոտենում է հերթական տարեկիցը, և սա առիթ է, որ աշխարհը դարձյալ խոսի այդ մասին: Նրա խոսքով՝ իրականում շատ երկրներ են արդեն ճանաչել ցեղասպանությունը:

Դասախոսության ընթացքում անդրադառնալով հայերի և ասորիների պատմական ճակատագրի ընդհանրություններին, որոնցից ամենացայտունը ցեղասպանությունն է, ընդգծել է, որ այսօր Շվեդիայի հայկական և ասորական համայնքները բավականին ջերմ հարաբերություններ ունեն և համագործակցում են գրեթե բոլոր ոլորտներում:

Վերջում նա նաև պատասխանել է ներկաների հարցերին՝ շնորհակալություն հայտնելով ԱՅ ՄԻՊ-ին և ԱրՊՅ-ին՝ ջերմ ընդունելության համար:

ՀԱՐԳԱՔԻ ՏՈՒՔ՝ ԱՊՐԻԼՅԱՆ ՊԱՏԵՐԱԶՄԻ ԶՈՂԵՐԻ ՀԻՇԱՏԱԿԻՆ

Ապրիլի 2-ին ԱրՊՅ պրոֆեսորադասախոսական կազմը և ուսանողները հարգել են ապրիլյան պատերազմի զոհերի հիշատակը՝ ծաղիկներ խոնարհելով ԱրՊՅ զոհված ուսանող ազատամարտիկների հիշատակը հավերժացնող հուշակոթողին:

2016 թ. ապրիլին ԱրՊՅ տղա ուսանողները, կիսատ թողնելով ուսումը, մեկ մարդու պես կամավորազրկեցին և մեկնեցին առաջնագիծ՝ պաշտպանելու հայրենիքի սահմանները: Նրանք վերադարձան հերոսացած: Ցավոք, ունեցանք նաև կորուստներ: ԱրՊՅ ուսանողներն այցելել են նաև ապրիլյան զոհերի շիրիմներին, ծաղիկներ խոնարհել՝ հարգանքի տուրք մատուցելով նրանց հիշատակին:

«Մենք հավերժ երախտապարտ ենք մեր հերոսներին: Նրանք, ովքեր բոլորից շատ էին ցանկանում ապրել, բոլորից շատ ունեին երազանքներ: Նրանց մասին հուշերը, նրանց սխրանքը, ազատ հայրենիքի երազանքը ապրում են մեր մեջ, ուրեմն նրանք ապրում են», - նշել է լրագրություն 2-րդ կուրսի ուսանողուհի Շողեր Սարգսյանը:

ԱրՊՅ տնտեսագիտության ֆակուլտետի ուսանող Բենիկ Համբարձումյանը քառօրյայի մասնակիցներից է: Հակառակորդի անօդաչու սարք խոցած ուսանողը ԱՅ Նախագահի կողմից 2016թ. պարգևատրվել է «Արիության համար» մեդալով: Համոզված է, որ եթե հակառակորդը կրկին ոտնձուլություն կատարի, կրկին պատրաստ կլինեն նույն



խիզախումին. «Ապրիլը սթափեցնող էր և ցույց տվեց, որ վտանգի պահին ազգը միավորվում, դառնում է բանակ, որին անկարելի է հաղթել: Եթե նորից վտանգվի մեր հայրենիքը, պատրաստ ենք նորից մեկնելու առաջնագիծ և պաշտպանելու մեր երկրի սահմանները»:

Բնագիտական ֆակուլտետի ուսանողական խորհրդի նախագահ Էդիտա Առստամյանը նշել է, որ այս օրը առիթ է՝ ևս մեկ անգամ հիշելու մեր հերոսներին, արժևորելու նրանց կատարած սխրանքը:

«Ապրողներիս պարտքն է պատերազմի նահատակներին հիշել ամեն օր, ոչ միայն ապրիլի 2-ին: Նրանց հիշելն ու մեծարելը ապրողներին է նախ և առաջ պետք», - ասել է նա՝ ընդգծելով մեծ միջոցառումների նշանակության կարևորությունը:

ԳԻՏԱԿԱՆ ՍԵՄԻՆԱՐ ՏՆՏԵՍԱԳԻՏՈՒԹՅԱՆ ՖԱԿՈՒԼՏԵՏՈՒՄ

ԱրՊՅ տնտեսագիտության ֆակուլտետի տնտեսագիտության տեսություն և կառավարում ամբիոնի դոցենտ, տ.գ.թ. Շուշանիկ Ասրյանի նախածնունդային կազմակերպվել է գիտական սեմինար՝ ներդրումների մակրոտնտեսական ասպեկտը թեմայով:

Սեմինարի ընթացքում ուսանողներն իրենց ելույթներում անդրադարձել են այնպիսի թեմաների, ինչպիսիք են ներդրումային համակարգի համաշխարհային փորձը, ներդրումների օրենսդրական կարգավորումը ԱՅ-ում, ներդրումների միկրոտնտեսական և մակրոտնտեսական աղբյուրները, ներդրումների և մակրոտնտեսական ցուցանիշների միջև կապը, ներդրումների սոցիալ-տնտեսական դերը ԱՅ-ում, ազգային տնտեսության անվտանգության վրա ներդրումների ունեցած ազդեցությունը:

Սեմինարին մասնակից ուսանողները կարևորել են նման ձևաչափով գիտելիքներ ստանալու նշանակությունը, իսկ ներկաները գոհունակություն են հայտնել ուսանողների կատարած աշխատանքից, աշխատանքների ինքնուրույնությունից, ցուցաբերած վերլուծական մտածողությունից:



ԷՆԵՐԳԱԿԻՐՆԵՐԻ ՇԱՅԱԳՈՐԾՄԱՆ ԱԶԴԵՑՈՒԹՅՈՒՆԸ՝ ԳԻՏԱԿԱՆ ՍԵՄԻՆԱՐԻ ԹԵՄԱ



կենտրոնում է պահում այդպիսիք: Ամբիոնի դասախոսներ Վիլեն Սաֆարյանն ու Ռուբինա Թովմասյանը ուսումնասիրել և համալսարանականներին են ներկայացրել քննարկվող նյութի իրավիճակային վերլուծությունը:

«Բնական միջավայրի վրա մարդու հարաճուն ազդեցությունը խախտում է այդ միջավայրի ինքնազարգացման ընթացքը, որը կարող է հանգեցնել միջավայրի քայքայման», - ասում է Ռ. Թովմասյանը՝ առանձնացնելով ուսումնասիրության տիրույթը՝ անտառաարդյունաբերություն, վառելիքի արդյունաբերություն և հիդրոէներգետիկա:

Արդիական թեմաների շուրջ հրավիրվող սեմինար-քննարկումները ողջունել և այն շարունակական դարձնելու առաջարկով հանդես են եկել ԱրՊՅ պրոռեկտոր Վիտյա Յարամիշյանն ու բնագիտական ֆակուլտետի դեկան Վոլոդյա Միրզոյանը՝ խորհուրդ տալով ընդգրկել նաև հարակից մասնագիտությունների մասնագետների և պատասխանատուների:

ՄԻՋՈՑԱՌՈՒՄ՝ ՌՈՒՄԱՑ ԼԵԶՎԻ ԵՎ ԳՐԱԿԱՆՈՒԹՅԱՆ ԱՄԲԻՈՆԻ ՆԱԽԱԶԵՌՆՈՒԹՅԱՄԲ

Ապրիլի 17-ին ԱրՊՅ բանասիրական ֆակուլտետի ռուսաց լեզվի և գրականության ամբիոնի վարիչ, բ.գ.թ., դոցենտ Նուրնե Առաքելյանի նախածնունդային կազմակերպվել է գրական դատ՝ Իվան Տուրգենևի «Հայրեր և որդիներ» վեպի հիման վրա:

Ուսանողները վերլուծել, պաշտպանել, քննադատել են վեպի հերոսների արարքները՝ մարմնավորելով դատավորի, դատապաշտպանի, փաստաբանի, վկայի, հայցվորի, պատասխանողի դերերը: Միջոցառմանը մասնակցում էին ԱրՊՅ ՌԲՇՀՀՏԱ գծով պրոռեկտոր Վիտյա Յարամիշյանը, պրոֆեսորադասախոսական կազմի ներկայացուցիչները:

«Գրական դատը հնարավորություն է տալիս ուսանողներին խորությամբ ուսումնասիրելու թեման,



ցույց տալու իրենց ցուցաբերած գիտելիքները, տալանդը», - ասել է Նուրնե Առաքելյանը:

Ուսանողուհի Անգելինա Անդրյանը նշել է, որ նմանատիպ գրական դատերը նպաստում են մատուցվող նյութերը ավելի հեշտ ըմբռնելուն:

ՈՒՍԱՆՈՂՆԵՐԸ ՓՈՐՁՈՒՄՈՒՑՄԱՆ ՇՐՋԱՆԱԿՈՒՄ ՀԱՆՐԱՎՐԹԱԿԱՆ ԴԴՐՈՑՈՒՄ ԿԱԶՄԱԿԵՐՊԵԼ ԵՆ ՄԻՋՈՑԱՊՈՒՄ

ԱրՊՀ մանկավարժության և սպորտի ֆակուլտետի տարրական մանկավարժություն և մեթոդիկա մասնագիտության 2-րդ կուրսի ուսանողները, մանկավարժության և հոգեբանության ամբիոնի նախաձեռնությամբ, փորձուսուցումն ամփոփել են Ստեփանակերտի Եղիշե Չարենցի անվան համար 7 հիմնական դպրոցում՝ տարրական դասարանների աշակերտների ներգրավմամբ կազմակերպելով Սուրբ Զատիկի տոնին նվիրված միջոցառում, որին ներկա էին ԱրՊՀ դասախոսներ, ուսանողներ, ուսուցիչներ, ծնողներ:



Աշակերտները ներկայացրել են աշխարհի ստեղծման ու Զատիկի տոնի վերաբերյալ աստվածաշնչյան պատմությունը, ասմունքներ, հանդես եկել երաժշտական, պարային կատարումներով:

«Տարիներ շարունակ ուսանողները փորձուսուցումը անցկացնում են մեր դպրոցում և ամեն անգամ մի նոր բան են թողնում դպրոցին՝ ստանալով լավագույնը, ինչը անհրաժեշտ է հետագայում մանկավարժական գործունեություն ծավալելու համար:

Միշտ էլ հպարտությամբ ենք նշում, որ բուհ-դպրոց համագործակցության շնորհիվ հասնում ենք նմանատիպ հաջողությունների», - ասել է դպրոցի տնօրեն Անահիտ Պողոսյանը՝ նշելով, որ ուսանողների շնորհիվ աշակերտները նոր գիտելիքներ են ստացել տոնի մասին:

ՏՆՏԵՍԱԳԻՏՈՒԹՅԱՆ ՖԱԿՈՒԼՏԵՏՈՒՄ ԱՄՓՈՓԵԼ ԵՆ ՓՈՐՁՈՒՄՈՒՑՄԱՆ ԱՐԴՅՈՒՆՔՆԵՐԸ



ԱրՊՀ տնտեսագիտության ֆակուլտետի ֆինանսներ բաժնի 4-րդ կուրսի ուսանողները ֆինանսահաշվային ամբիոնի դոցենտ, տ.գ.թ. Եվգենյա Հայրիյանի ղեկավարությամբ նախորդ երկու ամիսների ընթացքում ուսումնական և արտադրական փորձուսուցում են անցել «Ֆինանս հիփոթեքային ընկերություն» ՈւՎԿ-ում: Փորձուսուցման արդյունք-

ներն ամփոփվել են կոնֆերանսի ծախսափով: Փորձուսուցման ղեկավար Ե. Հայրիյանը, բացման խոսքում նպատակային և արդյունավետ որակելով ութշաբաթյա փորձուսուցման գործընթացը, իր գոհունակությունն է հայտնել ուսանողներից՝ նշելով, որ վերջիններս առավելագույնս ինտեգրվել են գործընթացին:

«Ուսումնական և արտադրական փորձուսուցումների անմիջական հերթագայությունը հնարավորություն էր նախ ձեռք բերելու գործնական հմտություններ, ապա դրանք անմիջապես կիրառելու գործնականում: Իսկ արդյունքը շոշափելի է», - ասել է փորձուսուցման ղեկավարը:

Արդյունքը տեղում տեսանելի դարձրեցին ուսանողները, ովքեր միմյանց շարունակելով ներկայացրեցին փորձուսուցման ընթացքում ձեռք բերված հմտություններն ու կարողությունները:

ԱՐՊՀ ԱՐՀՄԻՈՒԹՅՈՒՆԸ ՇՆՈՐՀԱՎՈՐԵԼ Է ԿԱՆԱՆՑ՝ ՄԱՅՐՈՒԹՅԱՆ ԵՎ ԳԵՂԵՑԿՈՒԹՅԱՆ ՏՈՆԻ ԱՌԹԻՎ

ԱրՊՀ արհեստակցական միությունը շնորհավորել է բուհի կին աշխատակիցներին՝ ապրիլի 7-ի՝ մայրության և գեղեցկության տոնի առթիվ:

«Ապրիլի 7-ին ընդառաջ փորձել ենք հաճելի դարձնել բուհի կին աշխատակիցների առօրյան՝ փոքր-ինչ տոնական տրամադրություն հաղորդելով նրանց առօրյային: Արհմիությունն անունը տարիներ շարունակ ասոցացվում էր սոցիալական օգնություն տրամադրող կազմակերպության անվան հետ: Իրականում կառույցը կոչված է նաև այլ առաքելությունների համար:

Այս միջոցառմամբ նոր աշխատելաճի սկիզբ ենք ազդարարում», - ասել է ԱրՊՀ արհմիության նախագահ Կարեն Մեժլումյանը՝ նշելով մայրության և գեղեցկության տոնի կարևորությունը:

«Հայ կինն օջախի պահպանն է, ընտանիքի հիմնասյունը, հոգատար մայր, գիտնական, պատերազմի դեպքում՝ հայրենիքը պաշտպանող մարտիկ: Կնոջ հանդեպ մարդկության սերն ու պաշտամունքը գալիս է դարերի խորքից: Սակայն, ինչքան էլ կնոջ կերպարը փորձեն ամբողջացնել, դարձյալ ասվածը ամբողջական չի լինի», - ասել է նա:

ԱՅ ԱՆՎՏԱՆԳՈՒԹՅԱՆ ԽՈՐՀՐԴԻ ՔԱՐՏՈՒՂԱՐ, ԱՐՑԱԽԻ ՀԵՐՈՍ ՎԻՏԱԼԻ ԲԱԼԱՍԱՆՅԱՆԸ ԱՐՊՀ-ՈՒՄ ՀԱՆԴԵՍ Է ԵԿԵԼ ԲԱՆԱԽՈՍՈՒԹՅԱՄԲ



Ապրիլի 3-ին ԱրՊՀ է այցելել ԱՅ անվտանգության խորհրդի քարտուղար, Արցախի հերոս Վիտալի Բալասանյանը և հանդիպում ունեցել համալսարանականների հետ: Հանդիպմանը նա հանդես է եկել բանախոսությամբ՝ անդրադառնալով Արցախի անվտանգությանը, ապրիլյան պատերազմին ու նրա դասերին, քաղաքական զարգացումներին, դարաբաղյան հիմնախնդրին, կրթության ոլորտի խնդիրներին և ներկայացրել իր տեսակետները նշյալ հարցերի վերաբերյալ:

ՀԱՆԴԻՊՈՒՄ ՀՀ ԱԺ ՊԱՏԳԱՍԱԿՈՐ ՆԻԿՈԼԱՅ ԲԱՂՂԱՍԱՐՅԱՆԻ ՀԵՏ



իրավագիտություն մասնագիտությամբ սովորող ուսանողների հետ՝ հանդես գալով «Արդարադատությունը անցումային ժամանակահատվածում» թեմայով դասախոսությամբ:

Ապրիլի 12-ին ԱրՊՀ-ում ՀՀ ԱԺ պատգամավոր, իրավաբան Նիկոլայ Բաղդասարյանը հանդիպել է պատմության և իրավագիտության ֆակուլտետի

Քննարկելով նոր գործիքակազմի ներդրման անհրաժեշտությունը՝ նա ընդգծել է, որ դրա կիրառմամբ հնարավորություն կընձեռվի առավելագույնս արդյունավետ ավարտել անցումային ժամանակահատվածը, որի ընթացքում արդարադատության իրականացումը պետք է ուղղված լինի պահպանելու գործող իրավական համակարգը՝ մարդու իրավունքների պաշտպանության նպատակով:

«Դասընթացի նպատակն է ուսանողներին արդարադատության իրականացման իմաստը փոխանցել, որ մարդիկ տեղյակ լինեն անցումային արդարադատությունից», - նշել է բանախոսը:

ԱՐՑԱԽԻ ՔԱՐԵ ՄԱՐԴԱԿԵՐՊ ԿՈԹՈՂՆԵՐԸ՝ ՀՆԱԳԻՏԱԿԱՆ ՈՒՍՈՒՄՆԱՍԻՐՈՒԹՅՈՒՆՆԵՐԻ ԱՌԱՆՑՔՈՒՄ

Ապրիլի 18-ին Արցախի Հանրապետության մշակույթի, երիտասարդության հարցերի և զբոսաշրջության նախարարության «Պատմական միջավայրի պահպանության ծառայություն» ՊՈԱԿ և ԱրՊՀ համագործակցության շրջանակում պատմություն մասնագիտությամբ սովորող ուսանողների հետ հանդիպել է ՀՀ Գիտությունների ազգային ակադեմիայի հնագիտության և ազգագրության ինստիտուտի գիտաշխատող Նժդեհ Երանյանը և հանդես եկել դասախոսությամբ:



Նա ներկայացրել է Արցախի քարե մարդակերպ կոթողների հետազոտությունը, 2016-2018թթ. կատարած պեղումները Նոր Կարմիրավանում, ինֆրակարմիր լուսանկարահանման հետազոտության արդյունքները:

«Հնագիտական պեղումները հնարավորություն են տալիս խորությամբ հասկանալու և վերլուծելու Արցախի՝ տվյալ ժամանակաշրջանի մշակույթը, պատմությունը», - ասել է Նժդեհ Երանյանը՝ ընդգծելով, որ քայլ առ քայլ բացահայտում են քիչ ուսումնասիրված կետերը:

Նժդեհ Երանյանը կարևորել է նման հանդիպումների կազմակերպումը՝ նշելով, որ դա նպաստում է հետագա համագործակցությանը և ուսանողների մասնագիտական գիտելիքները համալրելուն:

ՀԱՅԱԳԻՏՈՒԹՅԱՆ ՈԼՈՐՏԻ ԶԱՐԳԱՑՈՒՄԸ՝ ՈՒՇԱԴՐՈՒԹՅԱՆ ԱՌԱՆՑՔՈՒՄ

ԱրՊՀ հիմնադրման առաջին իսկ տարիներից մեծ թափ է հաղորդվել հայագիտական ուսումնասիրություններին, որի զարգացումը խթանելու համար ստեղծվել է ԱրՊՀ հայագիտական կենտրոնը:



Կենտրոնի գլխավոր առաքելությունն է նպաստել Արցախում հայագիտության զարգացմանը՝ առավել մեծ ուշադրություն հատկացնելով Արցախի պատմական անցյալին և ներկային: Հայագիտական կենտրոնի ղեկավար Նարինե Վարդանյանի խոսքով՝ հայագիտությունը խթանում է անկախ պետականության ամրապնդմանը և նպաստում ազգային ինքնագիտակցության խորացմանը, ազգի հոգևոր, մշակութային վերագարծնքին, հայեցի դաստիարակությանը և հայրենիքին նվիրված քաղաքացիներ պատրաստելու սուրբ գործին:

բառագիտության, Արցախի գյուղերի պատմության վերաբերյալ նյութերի հավաքագրումը, արխիվային նյութերի ձեռքբերում ԱՀ պետական արխիվից»,- ասել է Նարինե Վարդանյանը՝ նշելով, որ հավաքագրված նյութերը ոչ միայն ուսանողներին են անհրաժեշտ, այլ նաև՝ Արցախի պատմությամբ հետաքրքրվողներին:

ԱրՊՀ հայագիտական կենտրոնը ուսանողների համար պարբերաբար կազմակերպում է փաստավավերագրական ֆիլմերի ցուցադրություն և քննարկում, ուսանողների մասնակցությամբ այցելություններ ԱՀ ՊԲ զորամասեր, ճանաչողական գիտարշավներ, 20-րդ դարի հայ ազգային-ազատագրական շարժման ակամավոր գործիչներին նվիրված գիտական ընթերցումներ, գիտաժողովներ:

Կենտրոնում գործում է հայագիտական ուղղվածությամբ էլեկտրոնային գրադարան, որը համալրվում է նոր գրականությամբ և պարբերականներով:

«Հայագիտական կենտրոնի նպատակն է հայ ժողովրդի պատմության, նրա մասը կազմող Արցախի պատմության, մշակույթի, լեզվաբանության, ազգագրության ուսումնասիրությունը, Արցախի պատմության, զոհված ազատամարտիկների, արցախյան շարժման, բանախյուսության, ազգագրության, բար-

կան հետազոտությունների ինստիտուտի, Արցախի բարբառի և ազգագրության ուսումնասիրման կենտրոնի և Շուշիի «Կաճառ» գիտական կենտրոնի հետ:

«Առաջիկայում նախատեսվում ենք նոր և հետաքրքիր ծրագրեր, որոնք կյանքի կկոչենք ուսանողների հետ համատեղ, և կենտրոնը կհամալրվի հայագիտության վերաբերյալ նոր արդյունավետ նյութերով», - նշել է կենտրոնի պատասխանատուն:

ՀՈԳԵԲԱՆԱԿԱՆ ԿԵՆՏՐՈՆՈՒՄ ՄԵԿՆԱՐԿԵԼ ԵՆ ԴԱՆՆԹԱՑՆԵՐ



Ապրիլի 15-ից ԱրՊՀ հոգեբանական կենտրոնում մեկնարկել էին հոգեբանական դասընթացները, որը վարում էր ԵՊՀ սոցիոլոգիայի ֆակուլտետի փոխդեկան, սոցիալական աշխատանքի և սոցիալական տեխնոլոգիաների ամբիոնի դոցենտ Անահիտ Սահակյանը: Դասընթացը նախատեսված էր ինչպես ուսանողների, այնպես էլ ոլորտի հոգեբանների, հատուկ և սոցիալական մանկավարժների, հոգեբանության մասնագետների համար:

ԱրՊՀ ՈՒՇՀՀՅԱ գծով պրոռեկտոր Վիտյա Յարամիշյանը, ողջունելով ներկայիցներին, նշել է, որ համալսարանը շարունակում է իր որդեգրած քաղաքականությունը, որի շրջանակում հրավիրվում են հայաստանյան առաջատար բուհերի մասնագետներ՝ դասախոսություններ անցկացնելու և պրակտիկ գիտելիքներ ձևավորելու համար:

Անահիտ Սահակյանը հանդես է եկել «Սթրեսի կառավարումը» թեմայով՝ ուսանողներին ներկայացնելով սթրեսի մշանակությունը, լարվածությունը հաղթահարելու համար անհրաժեշտ միջոցների ձեռնարկումը:

«Մեր օրգանիզմը միայն ֆիզիկական գոյությունը չէ, այն նաև պարունակում է հոգեկան առողջությունը, որը առողջ պահելու համար անհրաժեշտ է պարբերաբար «սնվել» պոզիտիվ, դրական էմոցիաներով», - ասել է նա:

Բանախոսը վերջում ուսանողների հետ անցկացրել է սթրեսի կանխարգելման համար ռելաքսացիոն վարժություններ:

ԴԱՆԻԱՅԻ ԿՈՊԵՆՀԱԳԵՆԻ ՀԱՄԱԼՍԱՐԱՆԻ ՄԻ ԽՈՒՄՐ ՈՒՍԱՆՈՂՆԵՐ ԱՅՑԵԼԵԼ ԵՆ ԱՐՑԱԽԻ ՊԵՏԱԿԱՆ ՀԱՄԱԼՍԱՐԱՆ

Ապրիլի 14-ին Դանիայի Կոպենհագենի համալսարանի մի խումբ ուսանողներ այցելել են Արցախի պետական համալսարան: Այցը կազմակերպվել է «International Debate» (միջազգային բանավեճ) կազմակերպության կողմից՝ ապրիլի 12-ից 22-ը նախատեսվող Հայաստան, Արցախ և Վրաստան ուսանողական այցելության շրջանակներում՝ ծանոթանալու տարածաշրջանի երկրների ներքին և արտաքին քաղաքական իրավիճակներին, մշակույթին և պատմությանը:



«International Debate»-ը Կոպենհագենի համալսարանի քաղաքական գիտությունների բաժնին կից գործող ուսանողական կազմակերպություն է, որի կողմից յուրաքանչյուր տարի կազմակերպվում են միջազգային հարաբերություններին առնչվող 10-15 բանավեճեր և սեմինարներ, ինչպես նաև ուսանողական ուղևորություններ:

խոսքով՝ այցի ընթացքում նա կհարստացնի իր գիտելիքները Արցախի և դարաբաղյան հակամարտության մասին. «Մեր այցի նպատակն Արցախ այն է, որպեսզի մենք ավելի խորը հասկանանք դարաբաղյան հակամարտությունը: Այստեղ ինձ շատ դուր է գալիս: Հուսով եմ, որ կկարողանանք ավելի խորությամբ ուսումնասիրել և կհասկանանք դարաբաղյան հակամարտության ակունքները»:

Կոպենհագենի համալսարանի 25 հոգուց բաղկացած ուսանողական պատվիրակությունը այսօր հանդիպում է ունեցել ԱրՊՀ ուսանողների հետ, և կազմակերպվել է քննարկում: Հանդիպման ընթացքում երկու բուհերի ուսանողները քննարկել են ուսումնական գործընթացին, ուսանողական կյանքին, դարաբաղյան հիմնախնդրին, Արցախի երիտասարդության ներգրավվածությունը քաղաքական գործընթացներին, էթնիկ պատկանելությանն առնչվող և մի շարք այլ հարցեր:

«Մենք այստեղ ենք մեր համալսարանի «International Debate» ծրագրի շրջանակներում: Մեր այցի նպատակը նոր գիտելիքներ ստանալն է տարբեր մշակույթների մասին: Երբ վերադառնանք Դանիա, իհարկե, այստեղ ստացած գիտելիքներն ավելի կխորացնենք: Հույս ունենք, որ այստեղ առերեսվելու ենք այնպիսի շքեղ տեսարանների հետ, որոնք դեռ չենք տեսել մեր կյանքում», - ասել է Կոպենհագենի համալսարանի քաղաքագիտություն բաժնի ուսանող Ֆրեդերիկ Ուինգֆիլդը:

ԱՐՊՀ ՈՒՍԱՆՈՂՆԵՐԸ ՄԱՍՆԱԿՑԵԼ ԵՆ ERASMUS+ ՆԱԽԱԳԾԻ ԿՈՂՄԻՑ ԿԱԶՄԱԿԵՐՊԱԾ GOPLAY ԾՐԱԳՐԻՆ



ԱրՊՀ բանասիրական ֆակուլտետի թարգմանչական գործ 2-րդ կուրսի ուսանող Վիտալի Պետրոսյանը, անզլերեն լեզու և գրականություն 2-րդ կուրսի ուսանողներ Աննա Մուսայեյանը և Հասմիկ Հակոբյանը մասնակցել են ՀՀ Ծաղկածոր քաղաքում Erasmus+ նախագծի կողմից կազմակերպած GoPlay ծրագրին: Ծրագրին մասնակցում էին նաև Հայաստանի, Ռուսաստանի, Բելառուսի, Հունգարիայի, Ուկրաինայի, Լեհաստանի, Վրաստանի, Հունաստանի թիմերը:

Ծրագրի շրջանակում նախատեսված դասընթացները միտված էին ուսանողների մեջ մասնագիտական որակներ ու հմտություններ ձևավորելուն՝ խաղերի ստեղծման և թրեյնինգներ վարելու համար:

«Խնդիր դրվեց, ըստ որի՝ բոլոր մասնակիցները պետք է խաղ ստեղծեն, քանի որ ծրագիրը հենց խաղերի վերաբերյալ էր: Ստեղծեցինք մեր սեփական խաղերը: Հիմա մեր խմբով ունենք մեր խաղը: Այն նախատեսված է 5-ից 8 տարեկան երեխաների համար, ուսուցողական խաղ է, մեկ ամիս հետո արդեն կունենանք խաղի՝ վաճառքի համար նախատեսված օրինակները», - ասում է թարգմանչական գործ 2-րդ կուրսի ուսանող Վիտալի Պետրոսյանը:

Ծրագրի շրջանակում կազմակերպվել են մրցույթներ, դասախոսություններ՝ խաղերի պատմության և ստեղծման մասին, ֆիլմերի դիտում: Մասնակիցների հաղորդակցման լեզուն անգլերենն էր:

Վերջում մասնակից ուսանողներին շնորհվել են հավաստագրեր, և առաջիկայում ծրագրին մասնակցած ԱրՊՀ ուսանողները պատրաստվում են դասընթացներ կազմակերպել նաև Արցախում:

ԱՐՊՅ ՈՒՍԱՆՈՂՆԵՐԻ ՀԵՏ ՀԱՆԴԻՊԵԼ Է ԲԺԻՇԿ-ՆՅԱՐԴԱԲԱՆ ԱՎԵՏԻՍ ԱՎԵՏԻՍՅԱՆԸ

Ապրիլի 25-ին ԱրՊՅ-ում տարբեր մասնագիտությամբ սովորող ուսանողների հետ հանդիպել է Բ.Գ.Ք., բժիշկ-նյարդաբան, Արցախի երիտասարդ գիտնականների և մասնագետների միավորման առողջապահական միության նախագահ Ավետիս Ավետիսյանը՝ հանդես գալով «Անձնային աճ» թեմայով դասախոսությամբ: Հանդիպմանը ներկա էին նաև ՈՒՇԳԳՏԱ գծով պրոռեկտոր Վիտյա Յարամիչյանը, պրոֆեսորադասախոսական կազմի ներկայացուցիչներ:



Ըստ բանախոսի՝ յուրաքանչյուր անհատ պետք է փորձի գնել իր ներսը և հասկանալ իր նպատակները, ակնկալիքները, դեպի ուր է ինքը գնում, ինչ է անում նպատակներին հասնելու համար: «Մենք բոլորս ինքներս պետք է որոշենք մեր քայլերի հաջորդականությունը, ընտրությունները, ձգտումները, ցանկությունները և յուրաքանչյուր մարդ պետք է փնտրի իր գոյության իմաստը, ինչը կօգնի աշխարհը

իր ավելի լավ դարձնելուն», - ասել է Ավետիս Ավետիսյանը՝ նշելով, որ ժամանակակից մարդը նմանատիպ խորհուրդների և մոտիվացիաների կարիք ունի:

Ուսանողները շնորհակալություն են հայտնել դասախոսության համար՝ կարևորելով նմանատիպ մոտիվացնող հանդիպումների հաճախակի կազմակերպման անհրաժեշտությունը:

ԱՐՊՅ ՈՒՍԱՆՈՂՆԵՐԸ ՄԱՍՆԱԿՑԵԼ ԵՆ ՀՊՄՅ-ՈՒՄ ԱՆՑԿԱՑՎԱԾ ՀԱՆՐԱՊԵՏԱԿԱՆ ՈՒՍԱՆՈՂԱԿԱՆ ՕԼԻՄՊԻԱԴԱՅԻՆ



Ապրիլի 22-ին ՀՊՄՅ օտար լեզուների դասավանդման մեթոդիկայի ամբիոնի նախաձեռնությամբ կազմակերպվել էր հանրապետական ուսանողական 1-ին օլիմպիադան, որին մասնակցություն են ունեցել նաև ԱրՊՅ բանասիրական ֆակուլտետի ռուսաց լեզու և գրականություն, անգլերեն լեզու և գրականություն մասնագիտությունների ուսանողներ:

Երևանից, Վանաձորից, Արցախից, Բուդապեշտից: Օլիմպիադայի գնահատման հանձնաժողովը գոհունակություն է հայտնել մասնակիցների ցուցաբերած արդյունքներից: Ամենաբարձր՝ 20 միավորը վաստակել է Պիտեր Պազմանի անվան կաթոլիկ համալսարանի պատմության ֆակուլտետի 2-րդ կուրսի ուսանող Պետեր Քիշինը:

Իսկ ԱրՊՅ անգլերեն լեզու և գրականություն 2-րդ կուրսի ուսանողուհի Իրենա Թովմասյանը, ռուսաց լեզու և գրականություն 2-րդ կուրսի ուսանողուհի Քրիստինե Ջալալյանը օլիմպիադայում զբաղեցրել են 3-րդ մրցանակային տեղը:

Մրցանակային տեղ զբաղեցրած 18 ուսանողներին հանձնվել են մրցանակներ, մասնակիցներին՝ հավաստագրեր:

Օլիմպիադային մասնակցած ԱրՊՅ ուսանողները գոհունակություն են հայտնել կազմակերպիչներից՝ կարևորելով նման օլիմպիադաներին մասնակցելու անհրաժեշտությունը ուսումնագիտական գործընթացի արդյունավետության և ուսանողների մոտիվացիայի բարձրացման գործում:

ՄՏԵՓԱՆԱԿԵՐՏՈՒՄ ՏԵՂԻ Է ՈՒՆԵՑԵԼ ԶԱՅԵՐԹ ԵՎ ՄՈՍԱՎԱՌՈՒԹՅՈՒՆ

Ապրիլի 23-ի երեկոյան Ստեփանակերտում տեղի է ունեցել ջահերթ և մոմավառություն՝ ի հիշատակ 1915 թ. հայոց ցեղասպանության անմեղ զոհերի: Զահերթը մեկնարկել է Ստեփանակերտի Սուրբ Հակոբ եկեղեցու բակից դեպի հուշահամալիր: «ՀԱՎԱՔԱԿԱՆ ՊԱՅՔԱՐ ՀԱՆՈՒՆ ՀԱՅ ԴԱՏԻ» կարգախոսով երթին մասնակցել են նաև ԱրՊՅ ուսանողներ:



«ՄԵՐ ԳԵՐԽՆԴԻՐԸ ՂԱՐԱԲԱՂԻ ԱՍՐԱՊՆԴՎԵԼՆ Է». ՀՐԱՆՏ ԲԱԳՐԱՏՅԱՆ



Ապրիլի 17-ին ԱրՊՅ է այցելել և դասախոսությամբ հանդես եկել տնտեսագիտության դոկտոր Հրանտ Բագրատյանը: Ողջունելով բանախոսին՝ ԱրՊՅ ղեկավար Արմեն Սարգսյանը շնորհակալություն է հայտնել նրան ԱրՊՅ այցելելու համար և կարևորել ոչ ֆորմալ կրթության ձևաչափը՝ որպես ուսանողներին գիտելիք տալու այլընտրանքային հարթակ: Դասախոսությանը մասնակցում էին տնտեսագիտության ֆակուլտետի ուսանողներ և դասախոսներ:

թյանը:

«Մենք պետք է նայենք, տեսնենք, թե ինչպես է կառավարվում աշխարհը, այնպես էլ կառավարվենք: Չնայած տարբեր նկրտումների՝ իրատեսականն այն է, որ որտեղ բնակչություն կա, այդ բնակեցված տարածքները երբևիցե ոչ մեկին չզիջել: Մեզաէկոնոմիկայի ժամանակ ռեսուրսները այնպես են իրար ուղղվում, որ որտեղ ազատ տարածք լինի, վաղ թե ուշ այն բնակեցվելու է այլ ազգերի ներկայացուցիչներով: Մեր գերխնդիրը Ղարաբաղի ամրապնդվելն է, այս հայկական տարածքները մեր ազգի ներկայացուցիչներով բնակեցնելը», - ասել է Հ. Բագրատյանը և ընդգծել, որ գլոբալ մարտահրավերներին դիմակայելու համար մախ պետք է հստակեցնել, թե մենք ինչ ենք ուզում և դեպի ուր ենք գնում:

«Աշխարհից մի բան ուզելուց առաջ պետք է այդ աշխարհին կարողանա ինչ-որ բան տալ», - ասել է նա՝ մեզաէկոնոմիկայի համատեքստում մատնանշելով առկա խնդիրները և ընդհանրացրել, որ ստեղծված որոշ ինստիտուտներ շատ հեռու են միջազգային չափանիշներից: Խոսելով խնդիրներից՝ բանախոսն առաջ է քաշել դրանց լուծման կոմպլեքս մոտեցումը և հորդորել անիրական երազանքների դաշտից տեղափոխվել իրականության՝ ձգտումները մոտեցնելով իրատեսական հնարավորություններին:

Վերջում բանախոսը պատասխանել է ուսանողների և դասախոսների հարցերին:

ԱՐՊՅ-ՈՒՄ ԴԱՍԱԽՈՍՈՒԹՅԱՍԲ ՀԱՆԴԵՍ Է ԵԿԵԼ ՍՈՑԻՈԼՈԳ ԷՌՆԵՍ ԳՐԻԳՈՐՅԱՆԸ

Ապրիլի 16-ին ԱրՊՅ պատմության և իրավագիտության ֆակուլտետի ուսանողների հետ հանդիպել է Խաչատուր Արուստի անվան հայկական պետական մանկավարժական համալսարանի սոցիոլոգիայի և սոցիալական աշխատանքի ամբիոնի դասախոս, փիլիսոփայական գիտությունների դոկտոր, պրոֆեսոր Էռնեստ Գրիգորյանը և հանդես եկել դասախոսությամբ:



Բանախոսն ուսանողների հետ քննարկել է միջազգային կյանքի նոր փոփոխությունները, նոր սպառնալիքների՝ 3-րդ համաշխարհային պատերազմ սկսելու վտանգը, որոնք անմիջական ազդեցություն ունեն մարդկանց վրա, ինչպես նաև, հաշվի առնելով նշանավոր գիտնականների կարծիքները վերոնշյալ խնդիրների շուրջ, քննարկման միջոցով մատնանշել այդ վտանգի դեմ պայքարելու ուղիները:

Կարևոր ու պիտանի նյութերը, հնարավորություն տալով նրանց, որ խուսափեն համացանցում տարածված ապատեղեկատվությունից, ինչը մեծ նշանակություն կարող է ունենալ ապագա մասնագետների համար», - ասել է Էռնեստ Գրիգորյանը:

«Որպես սոցիոլոգ՝ կազմել են գրադարան՝ ընտրելով ու տարանջատելով ուսանողների համար

«ՅՈՒՐԱՔԱՆՉՅՈՒՐ ՀԱՅ, ԱՅՑԵԼԵԼՈՎ ԱՐՑԱՆ, ԱՌԱՋԻՆ ՉԵՐԹԻՆ ՀԱՆԴԻՊՈՒՄ Է ԻՐԱԿԱՆԱՑԱԾ ԱԶԳԱՅԻՆ ԵՐԱՋԱՆՔԻՆ» . ԴՎՎԻԹ ՄՈՒՐԱԴՅԱՆ



Ոչ ֆորմալ կրթության ծրագրի շրջանակներում ապրիլի 12-ին ԱրՊՀ-ում դասախոսությամբ հանդես է եկել գրող, կինոգետ, ՀՀ արվեստի վաստակավոր գործիչ Դավիթ Մուրադյանը:

Նախքան դասախոսության մեկնարկը՝ ռեկտոր Արմեն Սարգսյանը շնորհակալություն է հայտնել ծրագրի համակարգողներին և բանախոսին՝ հերթական անգամ մայր բուհում լինելու և դասախոսությամբ հանդես գալու համար:

«Արվեստը՝ որպես ազգային երազանք» թեմայով դասախոսության ընթացքում Դ.Մուրադյանն անդրադարձել է հայ մշակույթի պատմությանն ու ազգային մշակույթի նշանավոր գործիչներին, արվեստի դերին

տի դերին պետականության զարգացման և ազգային ինքնության պահպանման գործում:

Խոսելով Արցախի մասին՝ նա նշել է, որ յուրաքանչյուր հայ, այցելելով Արցախ, առաջին հերթին հանդիպում է իրականացած ազգային երազանքին՝ հավելելով, որ այդ երազանքի իրականացմանը նպաստել է նաև արվեստը:

«Արվեստը սովորականի հաղթահարումն է և գեղեցիկի որոնումը, որովհետև հաճախ կյանքն իր ընթացքի մեջ բնավ էլ գեղեցիկ չէ: Գեղեցիկը առեղծվածն է, մինչև վերջ չվերծանվածը», - այսպես է սահմանում արվեստը Դ. Մուրադյանը:

Իբրև մշակութային հուշարձաններ՝ բանախոսն առանձնացրել է հայ ժողովրդական հեքիաթներն ու էպոսը, դրանք մեկնաբանել ազգային երազանքի տեսանկյունից: «Հեքիաթ պատմելիս հայ ժողովուրդը բռնել է գեղարվեստականության բանալին. լինում է, չի լինում... երազանքի և երևակայության զուգադրմամբ գեղարվեստական փիլիսոփայական այս խտացմամբ ամբողջանում է մի ողջ ժողովրդի ազգային երազը», - նշել է նա՝ հավելելով, որ հայ ժողովրդի երազանքների խտացման բարձրակետը հայոց էպոսն է:

Վերջում բանախոսը պատասխանել է ներկայների հարցերին:

ՎԱՐՊԵՏԱՑ ԴԱՍԵՐ ԼՐԱԳՐՈՒԹՅԱՆ ԲԱԺՆՈՒՄ

ԱրՊՀ հրավերով ապրիլի 15-ից 19-ը լրագրության բաժնում վարպետաց դասերով հանդես է գալիս լրագրող և մեդիափորձագետ Մեսրոպ Հարությունյանը:

Հնգօրյա դասընթացների ծրագրում ներառված են թեմաներ, որոնք առնչվում են մամուլի տեսությանն ու պատմությանը, ԶԼՄ օրենսդրությանն ու էթիկային: Տեսականի համեմատ մեծ ժամաքանակ է հատկացված գործնական առաջադրանքներին:

Մ. Հարությունյանը երկրորդ անգամ է դասընթաց վարում ԱրՊՀ-ում: Գրականության և ժուռնալիստիկայի ամբիոնի վարիչ, Բ.Գ.Ք., դոցենտ Շուշան Ասկարյանը, խոսելով պարբերական դարձած դասընթացների մասին, կարևորում է ոչ միայն շփումներն ու փորձի փոխանակումը. «Դասապարոցներում միշտ չէ, որ գործնականին նախապատվություն տալու հնարավորություն ենք ունենում: Անթաքույց պիտի ասեն, որ տեսականը գերիշխում է, - ասում է նա, - բացը փորձում ենք լրացնել նաև կրթության ոչ ֆորմալ ձևաչափերի ընտրությամբ»:

Դասընթացի մասնակիցներից առաջին կուր-



սի ուսանողուհի Սիրանուշ Ադամյանը ևս կարևորում է փորձառուների հետ շփումը. «Այսպիսի դասընթացները հնարավորություն են տալիս ամրապնդելու մեր մասնագիտական գիտելիքները: Մ. Հարությունյանի կողմից վարվող արդյունավետ դասերի ընթացքում մենք ձեռք ենք բերում հմտություններ, որոնք, համոզված եմ, կնպաստեն մեր մասնագիտական ապագա գործունեությանը»:

ԱՐՊՀ-ՈՒՄ ԿԱԶՄԱԿԵՐՊՎԵԼ ԵՆ ԹՈՒՄԱՆՅԱՆԱԿԱՆ ԸՆԹԵՐՑՈՒՄՆԵՐ



Տարին թունանյանական է, ինչը խոսում է այն մասին, որ ողջ տարվա ընթացքում բանաստեղծին նվիրված միջոցառումների պակաս չի լինելու: Հովհաննես Թունանյանի ծննդյան 150-ամյակի տոնակատարություններից ամենասն չի մնում ԱրՊՀ-ն: Թունանյանական հերթական միջոցառումը նախաձեռնել է գրականության և լրագրության ամբիոնի դասախոս, Բ.Գ.Ք. Ջարինե Սառաջյանը՝ «Թունանյանական ընթերցումներ» խորագրով:

Ողջունելով Ամենայն հայոց բանաստեղծին նվիրված հերթական միջոցառման նախաձեռնությունը՝ ԱրՊՀ ռեկտոր Արմեն Սարգսյանը շնորհակալություն է հայտնել կազմակերպիչներին և մասնակիցներին՝ աշխատաժողովի աշխատանքներին մաղթելով արդյունավետ ընթացք:

Կան գրողներ, որոնք ուղեկցում են կյանքի որոշակի շրջափուլում, սակայն Հովհ. Թունանյանն այն գրողն է, որն ընթերցողին ուղեկցում է կյանքի բոլոր շրջափուլերում՝ մանկությունից մինչև խոր ծերություն. այսպես է մտորում հայ ժողովրդի ազնիվ կենսագրի մասին Ջ. Սառաջյանը:

«Թունանյանով մենք ճանաչում ենք մանկության

հրաշք մոլորակը, բացում հեքիաթային աշխարհի փակ դռները, Թունանյանի հետ սիրահարվում ենք, Թունանյանի հետ տառապում, Թունանյանի հետ իմաստնանում և սովորում լինել լավատես: Նրա պատգամներն այսօր էլ արդիական են և մղում են ընթերցողին լինել հումանիստ, կենսասեր, հայրենասեր և ունենալ ամուր ազգային, հոգևոր արժեքահավաք», - նկատում է կազմակերպիչը:

Ընթերցումներին մասնակցող գրականության և ժուռնալիստիկայի ամբիոնի դասախոսական կազմի և բաժնի մագիստրանտների՝ Հովհ. Թունանյանի կյանքին և գործին նվիրված ելույթներում ու զեկուցումներում ամբողջացվեց Թունանյան մարդը, մտածողը, գրողը, քաղաքական գործիչը, արվեստի տեսաբանն ու հրապարակախոսը:

«Մեծերի հետ կապված իրողությունների նշանավորումը ոչ միայն հարգանքի տուրք է, այլև նրանց կյանքն ու գործը էլ ավելի խորությամբ ուսումնասիրելու, արժևորելու, ճանաչելի դարձնելու, դասեր առնելու պարտավորություն, հատկապես՝ երբ դա վերաբերում է ազգային հնչեղություն ունեցող անհատներին», - ընդհանրացնում է գրականության և լրագրության ամբիոնի վարիչ, Բ.Գ.Ք., դոցենտ Շուշան Սառաջյանը:

Ելույթներով հանդես են եկել Բ.Գ.Ք., պրոֆեսոր Սուրբատ Մանյանը՝ «Հովհաննես Թունանյանը և Արցախը», Բ.Գ.Ք., պրոֆեսոր Անահիտ Աթաբեկյանը՝ «Հովհաննես Թունանյանը և մանկական գրականությունը», Բ.Գ.Ք., դոցենտ Ջինաիդա Բալայանը՝ «Պատմության փիլիսոփայությունը «Թագավորն ու չարչին» բալլադում», Բ.Գ.Ք. Վալյա Առաքելյանը՝ «Հովհաննես Թունանյանի քառյակները», Բ.Գ.Ք. Տաթև Սողոմոնյանը՝ «Հայրենիքի թեման Հովհաննես Թունանյանի պոետական աշխարհում» թեմաներով: Ուսանողները ևս հանդես են եկել զեկուցումներով:

ԳՐԱԿԱՆ-ԳԵՂԱՐՎԵՍՏԱԿԱՆ ՑԵՐԵԿՈՒՅԹ ԲԱՆԱՍԻՐԱԿԱՆ ՖԱԿՈՒԼՏԵՏՈՒՄ

Ապրիլի 9-ին ԱրՊՀ բանասիրական ֆակուլտետի ռուսաց լեզվի և գրականության ամբիոնի դասախոս, մ.գ.Ք., դոցենտ Ինգա Հակոբյանը կազմակերպել է գրական-գեղարվեստական ցերեկույթ՝ նվիրված մայրության և գեղեցկության տոնին:

«Պատահական չէ, որ տոնը համընկնում է զարման գալստյան, բնության զարթոնքի հետ, որը խորհրդանշում է նաև կանանց, մայրերի գեղեցկությունն ու բարությունը, կյանքը գունավորելու և նոր լիցքեր հաղորդելու նրանց կարողությունը», - ասել է Ի. Հակոբյանը՝ մաղթելով բոլոր կանանց, մայրերին, աղջիկներին ընտանեկան ջերմություն, երջանկություն, սեր և խաղաղություն: Ուսանողներն ասմունքել են, հանդես եկել պա-



րային կատարումներով, արժևորել կանանց անգնահատելի դերը մատաղ սերնդի դաստիարակության, կրթության գործում:

ԱՐՊՀ-Ն ՀԱՍՏԱԳՈՐԾԱԿՑՈՒՄ Է ԱՅ ԱԶԳԱՅԻՆ ՎԻՃԱԿԱԳՐԱԿԱՆ ԾԱՌԱՅՈՒԹՅԱՆ ՀԵՏ

ԱրՊՀ-ԱՅ ազգային վիճակագրական ծառայությունը համագործակցության շրջանակներում պարբերաբար ԱՎԾ մասնագետները արդիական թեմաների շուրջ դասախոսությամբ հանդես են գալիս ԱրՊՀ-ում, ուսանողներն են այցելում ԱՎԾ, ծանոթանում ծառայության կողմից իրականացվող աշխատանքներին: Ապրիլի 10-ին տնտեսագիտության

ֆակուլտետում այս անգամ դասախոսությամբ հանդես է եկել ծառայության աշխատակից, ԱՅ վիճակագրության պետական խորհրդի անդամ Իրինա Ավանեսյանը:

ԱՎԾ ներկայացուցիչը ներկայացրել է մի քանի տարվա կտրվածքով համանուն ցուցանիշների ընդհանրություններն ու տարբերությունները, հիմնավորել դրանց աճման և նվազման տեմպերը: